



39112

kat.komp.

Mag. St. Dr.

P

Teol. n. 824.

Costeni Bonaventurae: Assertiones theologiae
de Deo uno et trino.

Biblioteka Jagiellońska



stdr0005488

13.
ASSERTIONES
THEOLOGICÆ.
DE DEO TRINO ET VNO.

Ad mentē Fratris Ioannis Duns
Scoti Doctoris Subtiliss.

In CONVENTU LEOPOLIENSI
Ordinis Fratrum Minorum de Obseruan-
tia publicē ad disputandum propositæ.



Defendet F. BONAVENTURA COSTENVS.
Patrocinante sibi V. P. F. MARIANO CO-
STENO. eiusdem Ordinis in CONVEN-
TU LEOPOLIENSI. S. Theologiæ
Lectore.

Mense

Die

Hora

ANNO DOMINI 1625.

IAROSLAVIAE, Anno D. 1625.





39112 T


ILLVSTRI AC MAGNIFICO DNO,
D. IOANNI DE HOŁOŁ-
SKO TYSZKIEWICZ.

Domino ac Benefactori colendissimo.

FRATER BONAVENTVRA COSTE-
NV S. Ordinis Minorum de Obseruantia
vtramque felicitatem.



VM GENTILITII TVI No-
minis vetusta episeinata suspicio
Illustris ac Magnifice Domine, à celez-
stibus lampadibus (Luna scilicet et
Stella) splendorem suum videntur mihi mutuare. A-
stra video, Lunam suspicio, at mysterium Astrorum
& Lunę non agnosco. Quid? Lunam & Astra in hec
inferiora, lumine virtutem suam insinuare, omnis
concedit auctoritas. Et tui etiam Gentilitii Lunam
& Stellam, lucere inter Lechiadas, velut inter ignes,
Lunam, minores, omnis fatetur posteritas. Luna &
Stellę largiorem ab orbis oculo mutant nitorem. O,


 omnes Familie, à conditore orbis decorem, sine quo omnis formositas deformis, omnis color decolor, omnis aspectus despectus: mutuauit et Prosapia Tua à Deo nobilitatis originem, dignitatum splendorem, Honorum & officiorum excellentiam. A Luna et astris instillantur in hæc inferiora aliquæ arcanæ qualitates/ in quibus multi & mirabiles in sublunaribus effectus explicantur: instillauit quoque Maiorum Tuorum Familiam Patriam singularem animi candorem/ declarauit in Deum pietatem et amorem; quod et Tu facere non desistis/ commoda Patrie priuatis preferendo/ vitam ipsam incolumitati boni communis postponendo/ toties cum hostibus pro honore & gloria Dei prepotentis conflictus Martios exercendo: testis est Moschouia, testis Podolia / testis Valachia. Quare iure merito Assertiones Theologicæ de Deo Trino & vno/ sub Tua luce lucem vident: quas boni vt nihil ambigo consules/ & hoc qualecunq; munus Tibi multis nominibus debitum/ nostræ verò erga Te non intermoriturum gratitudinis monumentum grato & benigno vultu excipies. Vale. Patrie nobisq; / diu saluus & incolymis.



ASSERTIONES THE- OLOGICÆ. DE DEO VNO.

1. **I**Nfinitum Numen Esse seu existere, ita evidens est, vt nulla natio detur sub cælo quæ non sit imbuta quadam opinione Existentiæ Dei: omnibus enim sæcundo naturæ vbere instillatum est Numen, ita vt multa regna sine Principe, sine literis non pauca, sine Numine autem neque pagus vnus, neque lar vnum: solius Athei dementatum pectus dicit; Non est Deus.
2. **A**ST mittamus Atheos negantes Principiū principiorum, qui videntes fluxum creaturarum videre nolunt Creatorem, quem esse authorem & causam omnis creaturæ, siue illa sit spiritualis, siue corporea ex fide certum. Vnde surdis auribus contemnitur & condemnatur absurdus Simonis Magi sensus, qui Angelis à se fabulosè confictis, non Deo huius Ordinis ordinatissimi fabricam adscribebat.
3. **V**T tutius navis inter procellas optato potiatur portu, vnum ei damus clauum, vnum assignamus

mus gubernatorē : ita vt meliūs nauis totius orbis procedat, vnū Nauarchū, vnum supremū Præsidiē ei attribuimus : quod & cæca Gentilitas vidit, & nonnunquā suos Deastros derisit; quasi vnum Numen non valeret tantæ negotiorum multitudini attendere, & vna potentia totum mundum moderari. O sanctas gentes, quibus hæc nascuntur in hortis Numina.

4. **A**Vthoris omniū nullus author, vel causa, cū sit Ens simpliciter primum, incausabile, & actu existens: & simpliciter primū in ratione finis, & primū secundū eminentiam, ita vt eidem naturæ insit ista triplex primitas. Impossibile autem est in natura poni duo prima effectiua, aut duo prima eminentissima, aut duos vltimos fines.

5. **D**Eus sub ratione propria Deitatis, cognitione distinctā ab intellectu creato, pro statu viæ attingi nō potest, tamen præter cōceptus Deo & creaturæ cōmunes, possumus naturaliter habere aliquos conceptus soli tantū Deo proprios, nimirum perfectionum in summo, qui nulli subseruiunt creaturarum, inter quos conceptus entis infiniti, & perfectior est, & simplicior quibuscunque alijs.

6. **O**Mnipotēri nihil arduū Artifici, potest enim ea omnia toto æuo, quæ possibilitatis admittūt rationē, & à contradictionis immunia sunt næuo: talia enim produci, non diuinæ potentia, verū contradicto-
riorum

riorum arguit naturam; impossibilitas enim rei est formaliter ex parte rei, principiatiuè autem ab intellectu Dei.

7. **Æ**Terni rerù effectoris Dei aspectandù hoc vniuersi constitit opificium, perfectù quidè in suo ordine, non tamen ita quin perfectius esse nequeat: hoc enim soli Deo, vel libenter concedimus, qui seipso æternus ac perfectissimus existit.

8. **B**I membris in Ordinatam & Absolutam Potentiam Potentiæ partitio à Theologis recipitur: Ordinata est, quatenus Agens agit iuxta ordinem à lege præfixum. Absoluta quatenus agit & agere potest præter, vel contra legem. Cum igitur in potestate Dei sit rectitudo legis, Agere per potentiam absolutam ordinatissimè potest, præter & contra legem, non modò particularem, sed etiã & vniuersalem: atque sic res melius facere, quam fecit.

9. **C**onditor à se condita fortunæ credere nō debuit, sed curare sollicitè; proinde omnia immediatus Dei influxus gubernat, sustentat omnia, fouet omnia, quibus si fauere desisteret, conseruante destituta Numine, nihili repeterent ditionem.

10. **O**Mnī creato enti Vbi perpetuus indiuiduusq; comes. solus ille dedignatur Vbi, qui solus totus, & vbiq; suã diffundit substantiam, nec vllis locorū clauditur

clauditur spatijs, nec extra orbem orbis huius, per imaginaria spatia, immensam suam diffundit præsentiam.

11. **T**heologorum communi sensu, Deus omnibus præsens per Essentiam, nõ ex eo solùm, quòd ab eo cuncta creata & alita, sed quia per suam Essentiã rebꝝ omnibꝝ coëxistit realem suæ præsentiaẽ substantiã exhibendo. Per potentiam, non ex eo solùm quòd ei omnia subdita, sed quia omnia ab eo resumunt esse, & circa omnia immediatè operatur. Per præsentiam quòd ei nuda, & aperta omnia.

12. **A**gens creatum, non tam angustis arctatum est cancellis, vt in distãs Actio omnino eidẽ interdicta sit: latius Agens Increatum suum protendit imperium; ac proinde ex eo quòd sit Deus ter Opt: Max: vbique per Potentiam, non rectè infertur, eum esse debere vbique per præsentiam & essentiam.

13. **I**ncurium ac cæcũ cũ Epicuro, & obliuiosum cũ Carneade Deum dicere est verbis eum asserere, re autem tollere. E lacunã peccãdi erupit hæc opinio, Sacrilega derogatio Bonitatis Diuinæ. Propter quod vnũ quodq; tale, & illud magis. Qui plãtauit aurẽ nõ audiet, aut qui finxit oculũ, non considerat? Psal. 93.

14. **V**T Sacrosanctũ Diuinæ mentis intuitum in omne omnis differentiaẽ tẽpus, in quoduis cuiusuis rei esse admittamꝝ ac veneremur, eũ intima quæq;
intimo

intimo aspectū collustrantē fatemur. Cognoscit enim Deus mutabilia immutabiliter, contingentia infallibiliter, & futura præsenter.

15. **V**T qui è turri altissimā prospectat viatores, & priores & medios, & postremos simul videt, etsi priores postremos nō videant; ita Deo omnes præsentes, tam Adā olim mortuus, quā Antichristus olim nasciturus. Quidni? Vox vnica omnes omnium simul aures: lux vnica omnes omnium oculos illuminat, & Diuina cognitio vnica, omnia simul cognoscit.

16. **Æ**ternitatem vt exponas Dei, dic, Interminabilem vitæ totā simul perfectamq; possessionē. Illius æterna æternitas à parte Ante, & à parte Post includit infinitum; atque a deo in illius perfectione, duratione, operatione, nihil est præteritum, aut futurū, sed præsentissimum præsens.

17. **D**eus voluit alia à se ab æterno, licet non pro æterno. Porro voluntas duplex in Deo nominatur, Signi & Beneplaciti. Voluntas Signi, est signū, quòd Deus hoc voluit: eius species quinque assignantur. Præceptum, Prohibitio, Consilium, Permissio, & Impletio. Voluntas Beneplaciti, est vltima determinatio voluntatis diuinæ volentis efficaciter aliquid ponere in esse.

18. **P**RÆdestinatio propriè & formaliter est actus diuinæ voluntatis, concomitanter autem intelle-
ctus

ctus Diuini, seu volitio efficax & determinata saluandi aliquē, id est, conferendi sibi vitam æternā, & ea per quæ consequatur vitā æternam. Cū Deus contingēter prædestinet, prædestinatum possibile est damnari: in sensu diuiso, admitto: in sensu composito, nego.

19. **N**Vlla potest assignari ratio aut causa prædestinati nisi voluntas & beneplacitū Dei. Illā tamē sententiam, quæ asserit decretum electionis ad gloriam, seu dandi vitam æternam, non fuisse in Deo completum ante præuisionem bonorum operum per gratiam exercendorum, cū sit Doctoris irrefragabilis, & Doctoris Seraphici, honoro ac veneror.

20. **C**um Deus sit iustus, non potest sine malis meritis dānare, teste S. Augustino. Proinde sine respectu vel p̄uisione peccati alicui, neminē Deo decreuit absolutē dānare ad infernū, aut repbare. Datur in Deo Liber vitę, ex quo inscripti nō delebūtur in æternū.

21. **I**mmutabilis est Deo tā substāiali quā accidentali mutatione, nec aliqua cadit in illum vicissitudinis obūbratio. Aliquid verò aliud à Deo esse, vel posse esse immutabile, simpliciter repugnat: sicut impossibile est quòd aliquid præter Deū sit formaliter necessarium.

22. **P**rocul à simplicissimo & perfectissimo Ente, vlla quarūuis partiū facessit cōstitutio. Non enim cōponitur ex Materia & Forma, nec ex genere aut diffe-

rentia

rentia, nec ex actu & potentia, nec ex subiecto & accidentibus, aut ex alijs huiusmodi, ex quibus constituta, non absque imperfectionis coalescunt nota.

23. **D**Eus Maximus ab aliquibus in Prædicamento; ut aiunt, non iniuriæ, sed cum honore includitur; verum parum inde honoris, immo plus inconuenientiæ, Deum aut aliquid dictum de Deo, Substantiæ, aut alteri cæcellari prædicamento, cum sit actus purissimus, & simplicissimus.

24. **I**nter Essentiã Diuinã & Relationes, inter Essentiã & Attributiona, & inter ipsamet Attributiona, non nouã, sed ingeniosam vsurpo distinctionem, nimirum formalem, siue ex natura rei, quam licet aliqua ingenia mortalium dedignantur, eam tamen Essentiã & Attributiona non dedignantur, sed recipiunt & amplectuntur; cum nullam includat imperfectionem, neque inuoluat, ut aliqui putant, compositionem.

DE DEO TRINO.

De Personis in Comuni.

25. **V**Nitas Dei, ita à nobis per fidem habetur, ut etiã finita trãsnaturalis Philosophi acies eam ex suis principijs deducere valeat. Cæterum altissimũ Sanctissimæ Trinitatis mysteriũ, ita est supernaturale, ita altũ

mare, vt ferè homini sit innabile; quare vela rationū cō-
trahenda, anchora fidei iacienda; valeant rationes,
sensus abeant; credatur; & adoretur Sanctiss. Trinitas.

26. **I**N mysterio hoc rato, sed multū eleuato Theologi
vtuntur similitudine ad illustrandū. Sol vnus tria
habet; corpus, lumen, calorē, quæ vnum solem consti-
tuūt. Sol producit lumen, ambo calorem. Pater ad in-
star solis. Filius, lux vera, quæ illuminat omnē hominē.
Spiritus Sanctus, corda hominū inflammat & calefacit.

27. **S**icut Deus noster essēcialiter vnus est, ita persona-
liter necessariò trinus, cū idētitate enim, vnitare,
ac simplicitate essentiae diuinæ esse potest, & de facto est
eiusdē essentiae, per productionē, æterna & ineffabilis
cōmunicatio. Porro productiones intrinsecæ Deo neq;
plures, neq; pauciores esse possunt quā duæ; vna gene-
ratiua, habens se per modum naturæ; alia spiratiua per
modum libertatis.

28. **N**Vmerū trāscédētalē in Diuinis propriē & sim-
pliciter sumptū si inuenire attētas, oleū & ope-
rā perdis, numerū autē secundū quid & cum addito
reperire poteris, iuxta illud S. Ioannis. Tres sunt qui te-
stimonium dant in cælo, Pater, Verbum, & Spiritus S.

29. **P**Lures Personæ in Diuinis quā tres esse nō possūt:
harū vna est improducta, scilicet Pater: duæ autē
productæ, nimirum Verbum, & Spiritus S. hic à duo-
bus spirans

bus spirantibus Patre & Filio; per voluntatem facundam inspiratus: ille verò ab ipso Patre per memoriam facundam totalem ac perfectam, æternaliter genitus.

30. **P**roduktiones Diuinas distingui inter se, cōmune Theologorū est decretū: sed assignare quomodo, id ita arduum quibusdam visum est negotium, vt labyrintho ipso inextricabilius & difficilius appareat: Doctor subtilis subtiliter, seipsis distingui formaliter euicit; per principia verò & terminos distinctionem earum secundariam, & à posteriori concludit.

31. **P**ersona in cōmuni conuenienter tali depingitur à Richardo penicillo. Persona est naturæ intellectualis incommunicabilis existentia. Persona in Diuinis præter negationem incommunicabilitatis, Vt Quo, & Vt Quod, constituituraliquo positiuo. Persona in cōmuni, non dicit relationem communem, nec Essentiā secundū se, sed supposito, quòd Persona dicat aliquid positiuum, vt pote substantiam, illa ratio abstrahit ab absoluto & respectiuo, eritq; indifferens ad absolutum in creatura, & ad relatiuum in Deo.

32. **P**ersonæ Diuinæ nō cōstituuntur seipsis, sed proprietatib⁹. An aut ē hæ proprietates sint Relatiuæ vel Absolutæ. Doctor subtilis relatiuas esse cū sententiā cōmuni affirmat, licet illam opinionem quæ per absoluta constitui asserit, ab hæresi vindicet, errori tamen proximiorē esse declarat.

DE DEO PATRE.

33. **I**N Patre æterno est potētia propria generādi respectu Filij, nō tamē dicitur Filius absolutē possibilis. Pater generat Filium, naturā & necessitate inevitabilitatis. Porro generat etiam voluntate non solum concomitante & consequente generationem, sed etiam antecedente, non tamen tanquam principio productiuo proximo, vel remoto.

34. **P**roxima potētia generādi in patre nō est relatio. Essētia præcisē sūpta pro aliquo signo prioritatis, vt aliquo modo prior Patre intelligitur, & vt in Patre considerata, abstrahendo illam ab intellectu, est potētia remota: proxima verò, est ipsa Essentia præsens in ratione obiecti intellectui diuino, quæ sic intellecta, est quid absolutum, licet connotet relationem, nimirum suppositum Patris.

35. **P**ater æternus æternū generat Verbum, nō actu essentiali seu notitia operatiua, quæ est cōmunis tribus Diuinis Personis, sed actu notionali seu productiuo producit Notitiam Genitam, qui actus dicitur Dictio.

36. **I**lla propositio: Deus genuit aliū Deum, tã apud Theologos, quàm apud Logicos, est simpliciter falsa, imo hæretica; licet enim veritate Catholica edocti fateamur Deum generantem, generare alium qui
est Deus

est Deus, non tamen inde colligere licet, Deum genitum esse alium Deum, seu alium à Deo. Deus ergo genuit Deum non alium sed alterum eundem, non tamen se.

37. **H**ÆC etiam enunciatio. Deus est Pater, Filius & Spiritus S., est vera prædicatione formali, nõ tantum identica, sicut & hæc, Pater Filius & Spiritus Sanctus est Deus, secunda tamen est formalior quàm prima. Illa autem propositio, Deitas est Pater, Filius & Spiritus Sanctus, sicut & sua conuersa, est vera identice non formaliter.

38. **I**ngenitum, vt dicit carentiam geniti, seu negationem producti, est proprietas soli Patris. Innascibilitas autem vt distinguitur contra Paternitatem, non est proprietas constitutiua Patris. Porro prima Persona nõ constituitur in Esse personali per aliquem respectum ad extra.

39. **A**D primam Personam Essentia Diuina nõ determinatur per aliquid positium, sed seipsam: & sic Essentia Diuina est ex se determinata ad dandum Esse Patri, determinatione actiua opposita indeterminationi ad contradictoria.

40. **T**Ota Essentia quæ est in Patre, est etiam in Filio, & Spiritu S. non tamen Essentia generat, vel spirat, sicut nec generatur, nec spiratur. Licet autem Essentia Diuina communicetur, non tamen communicatur ante productionem Personæ, nec Persona producta est ante communicationem Essentiæ, quamuis in Patre
præsubpo

præsupponatur existētia essētiālis, subsistētiæ notionali.

41. **P**ROpositio illa, Pater est Sapiēs Sapiētiā genitā, est falsa: illa autē, Pater est Sapiēs Sapiētiā ingenitā, est vera: sicut & hæc, Filius est Sapiens Sapiētiā ingenitā, si sumatur ingenitum essentialiter. Falsa autem & hæretica, si intelligatur personaliter.

42. **N**OTiones à Theologis communiter numerantur quinque. Innascibilitas, Paternitas, Spiratio actiua, Filiatio, & spiratio passiua: duæ sunt propriæ Patris, Paternitas & Innascibilitas: tertia cōmunis Patri & Filio, vt pote spiratio actiua, quarta propria verbi, puta Filiatio: quinta, propria Spiritui S. nēpe spiratio passiua.

DE VERBO ÆTERNO.

43. **V**ERbi æterni æternæ & humanæ inaccessæ mēti generationis, in illa definitione (Generatio est origo viuētis à viuente, vt à principio coniuncto secundū similitudinē in natura) modo æquior sis arbiter, resplendere cernes imaginem.

44. **V**ERbū in Diuinis producitur de substātia Patris, nō vt Ly De, notat materiā vel quasi materiā, sed vt notat consubstantialitatem & originationem. Non enim materia vel quasi materia mutationi subiecta in Deo conceditur, sola enim ibi productio, illaque vniuoca, absque omni imperfectione inuenitur.

Filius

45. **F**ilius Dei ita est Omnipotēs sicut Pater, qui licet aliquid nō possit quod Pater, (scilicet generare) tam en ex eo Omnipotens nō esse dici haud potest, cū sit æqualis Patri in Omnipotentia intensiua & extensiua respectu creaturarum.

46. **A**rs æmula & simia naturæ, & Verbū creatum simulachrū Increati, quod est actus intelligentiæ productus à memoria perfecta, non habens Esse, sine actuali intellectu, repræsentans aliquo modo Verbū increatum.

47. **G**eneratio Filij Dei æterna cōuenientiùs exprimitur per tēpus præteritū, etiāsi significetur per præsens, & futurū: instans enim seu Nunc æternitatis, coëxistit omni differentiæ temporis nostri, atq; ita quicquid dicetur de tempore nostro, idem dici poterit secundū modum nostrum concipiēdi, de Nunc æternitatis, quatenus coëxistit tempori nostro.

48. **S**cio Ebionē Cherintū & Arianos tunicā Diuinitatis Verbū æternū, & æternitate simul spoliāsse: verū in Sanctissimo Triadis Sacramento velint, nolint, salua fidei veritate, Verbum Patri cōæternum & consubstantiale asserere coguntur.

DE SPIRITV SANCTO.

49. **S**piritū Sāctū à Patre & Filio procedere, Fidei Catholicæ fax illuminauit: Sacrosanctus Cōciliorū

C

Senatus

senatus decreuit: authoritas grauissimorum Sanctorum Patrum, non modo Latinorum, sed etiam Græcorum, à tot sæculis persuasit; à quorum sententia tanquã degeneres Græci, Rutheni, & Armeni Schismatici, sola pertinacia nixi deuiarunt..

50. **F** Amosa inter Theologos cõtrouersia est. An si per impossibile Spiritus S. nõ procederet à Filio sed solum à Patre, distingueretur né à Filio distinctione reali necne? Duæ in hoc negotio sunt sententiæ, vna affirmat, & alia negat. A negatiua discedo, & ad affirmatiuam cû Doctore subtili libenter accedo.

51. **H**Æc propositio: Spiritus S. procedit à Patre per Filiũ, sano modo intellecta, à multis Theologis est recepta: non quasi Pater spiret per Filium Spiritum San: velut per instrumentum, aut tanquam per principium Quo, sed eatenus, quatenus Filio communicat eandem vim spiratiuam.

52. **S**I Patrẽ & Filiũ duos spiratores affirmes, à veritate aberrasti, quia ratione virtutis spiratiuæ, & a spirandi, Pater & Filius est vnus spirator. Si verò duos spirantes asseras, ratione duorum suppositorũ, ad scopum veritatis Catholicæ collimasti.

53. **Q**VI Patrẽ & Filiũ vniformiter spirare Spiritum S. asserit (siue actus spirandi sumatur secundum se, siue in quantum est talis termini) rationes eius congruunt

gruunt : quod si spirare ad supposita referatur, sic qui Patrem & Filium vniformiter spirare affirmat, rationes ipsius corruunt.

54. **S**piritus S. per missionē suā est amoris casti, & sancti per gratiam effector; Sanctus cordium incendiarius: Dei cum hominibus & hominum inter se Paranympheus: qui præter visibilem missionem, inuisibilia dona donat hominibus: quæ dedignari indignum est, non acceptare periculosum, spernere perniciosū.

55. **D**onū acceptū pro donabilitate nō est proprietas Spiritus San: si verò donum sit idem quod liberè, seu liberaliter productum; & dare sit idem quod liberè per modum voluntatis producere, sic est proprietas Spiritus San. cum ita donum esse, vel dare, nihil aliud sit quam spirari, vel spirare.

56. **D**onū Spiritus S. charitas, quæ sicut annulorum gemma, ita virtutum omnium ornamentum est: ipsa virtutes omnes ampliores reddit; impolitas nativo complet decore. hanc dari in naturā beatificabili, fide sacrum est, sine qua in animā sicut sine Solis præsentia in subiecto orbis ambitu, tenebræ.

57. **L**umine indiget oculus ad videndū, intellectus etiam & voluntas ad visionē & fruitionē Essentiz Diuinæ habitu supernaturali; cum nullus intellectus creatus de facto naturaliter possit videre Deum, neq;

voluntas frui, quāuis de potētā absolutā non implice-
creaturā acceptari ad beatitudinē in puris naturalibus.

58. **I**Ntensionē charitatis, sicut & cuiuslibet Qualitatis,
si desumas à noua graduū adauctione in eadē par-
te subiecti, consentio; Si ab intimiore insubiecto radi-
catione, vel à maiori dispositione subiecti, vel à maiori
recessu à contrario, dissentio.

59. **V**irtus quæ laudabili directiōe ad gloriosū dedu-
cit portum est Charitas: habēs tamen eā nō est
formaliter & completē acceptus Deo, sed solūm dispo-
sitiuē, completē autem & vltimatē per relationē in illū,
habitus ad acceptationem Diuinam.

60. **N**on ita ferocit peccatorū venialiū turba in ha-
bitū charitatis, vt eū aut minuat, aut ad fatalē
deleat interneccionem, cum solūm feruorem charitatis
diminuat; per peccatum autem lethale charitas non
minuitur, sed totaliter demeritoriē destruitur. Causa ef-
fectiua Charitatis est Deus glorios⁹, cui Laus & gloria.

Ad Maiorem gloriam vnus Triadis, & Tri-
næ vnitatis, atquē honorem perpetuum se-
mel Matris, semper virginis augustissi-
mæ MARIAE.

